

日本政記

七八

番外書册

和書門			
二	三	一	〇
〇	〇	〇	〇
號	函	架	册

庫文閣内		
三	二	和
九	三	
册	一	

内閣文庫		
番號	和	23100
册數	8 (4)	
函號	139	133

100R11



日本政記卷之七

賴襄子成 著

光孝天皇

諱時康仁明第三子母女御藤原氏贈太政大臣總繼女在位三年

改元一日仁和崩壽五十八葬葛野郡田邑陵

春二月天皇即位于大極殿。尊先帝曰太上天皇。太政大臣基經。左大臣融。右大臣兼左大將多。大納言兼右大將良世並如故。基經請罷攝政。使融多代任。不許。夏五月敕諸博士議。太政大臣有職掌否在唐朝。相當何官。六月特詔萬機依舊。

先稟太政大臣基經而後奏聞。

仁和元年乙春賜基經宴內殿。爲度僧五十人壽。其五十。又賜游獵地一處於攝津。以藤原佐世爲大學頭。初佐世爲基經家司。薦令與大學生對策。前文章博士都良香謂人曰。藤氏何求不得。乃又如此。欲使吾曹何處生活。佐世遂及第。爲得業生。累遷右少辨。奏貸新錢三十貫於左右京職。以其息充學寮生徒菜資。冬十二月。下信濃守橘良基刑部獄。良基廉直。務富民。治爲當時最。其民

有與怨家相鬪者。請太政官訴之。官遣使鞠訊。怨家良基命奴訴者。官符譴責。不服。乃召之推斷。未竟卒。良基歷任五國守。罷還。不載資糧。其子嘗問治民術。對曰。百術不如一清。及卒。家無餘儲。中納言在原行平賻絹布纔得葬。

二年丙復以肥後攝津豐後甲斐四國守。經年不赴任。救降位一階。奪其告身。以左中辨平季長爲問山城民苦。使季長奏請停諸院諸宮。及諸王臣家。或爭民戶田。或奪浮浪財物。不牒國郡司。闌

入邑里遞相壓略者又奏。請民囑託勢家不由國
宰爭訟財物者不限士浪不論蔭贖決杖一百所
爭物悉沒官院官各家司並科違救罪奏可季長
葛原親王孫也。

三年丁未秋八月帝不豫召太政大臣基經立第七
子定省為皇太子尋崩初帝多子憚基經未敢立
太子及是基經入卧內請有不諱傳位於誰帝曰
唯公擇之對曰王侍從可謂定省也上悅召定省
右執其手左執基經手泣曰朕與汝得位皆大臣

力慎勿忘既出率百官上表立之帝有志興舊典
屢御外朝視事。

宇多天皇諱定省光孝第七子母班子女王
仲野親王女在位十年改元一日

寬平傳位皇太子後三十四
年崩壽六十五火葬大內山

冬十一月天皇即位于大極殿太政大臣基經左
大臣融右大臣兼左大將多大納言兼右大將良
世並如故基經乞歸政不許敕萬機無巨細關白
基經關白始此尊生母從二位女御為皇太夫人
四年申戊春三月詔以太政大臣基經准三宮初帝



即位詔基經有宜以阿衡之任爲卿任語左大辨
橘廣相所草也。或謂阿衡位高不預事基經不懌
曰然則吾閑人耳。命放旣馬奏曰臣聞阿衡無職
掌崇高可知以臣擬之恐非所堪。然居無職之地
固臣素志也。帝驚優詔諭廣相草詔失朕本意朕
欲庶政仍舊。關白於公垂拱仰成而已。基經乃奉
詔。秋九月敕圖殷周唐名臣像於紫宸殿障子
納內大臣高藤女爲夏衣。冬十月右大臣兼左
大將源多麿納基經女爲女御。

寬平元年配冬十一月聽基經乘腰輿入朝以大
納言良世兼左大將中納言源能有兼右大將能
有文德皇子。是歲鑄寬平大寶錢。

二年庚戌冬十二月基經疾乞解職。優詔許之。

三年辛亥春正月太政大臣基經薨。敕廢朝三日。贈

正一位封越前公謚昭宣世稱堀河大臣。二月

召讚岐守菅原道真爲藏人頭道真上狀辭不聽

三月以大納言良世爲右大臣兼左大將如故

召太宰大貳藤原保則爲左大辨先是保則在朝

不得意。曰吾老矣。宜預修冥資。聞讚岐多紙。請爲讚岐守。曰吾欲寫佛經耳。州民多學法律。健訟自保。則來人重廉耻。及除宰府鎮西多盜。吏不能禁。保則知其由。飢寒賑給。慰撫政尚清簡。乃無盜民安之。帝聞而召之。尋任參議兼民部卿。

四年壬子。復五月。敕藏人頭菅原道真。撰類聚國史。五年癸丑。春二月。罷左大將良世。以源能有代之。中納言藤原時平兼右大將。時平基經子。夏四月。立敦仁親王爲皇太子。藤原高藤女所生。以源能

有爲傳。是歲高藤女爲女御。

六年甲寅。夏五月。唐使來。秋八月。以參議菅原道真爲遣唐大使。報之。聞唐亂不果行。遂罷使不通。九月。新羅海賊入寇。筑前守文屋善友防戰。大破之。斬其將領十四人。先是西邊數有寇警。敕太宰府曰。勿以兵故。令農矢時。且防且耕。至是。府驛奏寇復至。尋捷報至。

賴襲曰。宇多之爲英主也。其攬權柄。振紀綱。躬勤儉舉。賢能以宗廟生民爲心。所以接天智。桓

武之業者不必論也。獨觀其處分邊防足以知其他矣。宰府數奏寇警詔曰勿以兵故失農時且防且耕。大哉言乎。可以爲百世法也。大凡大平之世四海無虞。文恬武熙。一有風魚之警。上下相驚。奔走警告。差將吏運糧仗國內爲之騷擾。而寇爲何者來爲何由。或未之知也。來於東則東奔。來於西則西奔。來者之虛實未確而奔者已罷極矣。以彼爲虛以廢我防而實矣。其力不可支也。以彼爲實以盡我防而虛矣。其費不

可給也。如是數次。國有不內壞者乎。嗚呼亦盍不反其本思之。沿海之鎮何爲而置哉。其將吏守何職。士卒服何業。我預於平日命爲之處置無非備寇。寇至有戰而已。何必擾擾來告我。我亦何必擾擾往援之。帝之意蓋亦如此而已。但雖將卒備矣。未有不食而能戰者也。故曰勿廢農時且耕且戰。夫使戰而無耕。何資以戰。耕而無戰。亦何損於國哉。故寇有虛有實。而國無損有益。故曰帝之言可以爲百世法也。帝不徒言

之也。當時寇出於實。而筑前守防戰大捷。其効驗如此。雖然當時所以能為此言成。此効者。又有其本焉。本者何也。曰。以權柄振紀綱。躬勤儉。舉賢能以宗廟生民為心。

七年卯春二月定置左右檢非使廳。敕中納言兼民部卿菅原道真錄囚徒。帝患多滯獄。故有此令。每日聽斷。無少遲緩。道真多所平反。自三月敕申禁王臣家出舉私物。貸民求利。犯者沒物科罪。秋八月左大臣源融薨。融嗟峨皇子嘗造別業于宇治。嗟峨及東六條河原窮極詭麗。稱河原左大臣。八年丙秋八月以藤原良世為左大臣。源能有為右大臣。兼皇太子傅如故。九月廢二條太后藤



原氏流僧善祐於伊豆以有醜聲也。冬十月太宰府奏慶雲見。公卿表賀以爲政和德至之應。詔曰朕卽位九載水旱癘疫兵興盜起政和德至之言可以偷置齒牙乎。君臣一體也朕耻卿等亦可耻。勿爲虛賀。又敕服御常膳既減省准舊四分一。庶舉塵露之積以成禮節之和。豈圖水旱相仍諸國闕調百官之俸不怨天不責人。朕自取之。今重減三分一省年料雜物之半其餘用度中分以折。既無誅於富國唯合體於貧民而已。告中外知朕

意焉。十二月左大臣良世致仕。

九年丁夏六月右大臣能有薨。以藤原時平爲大納言兼左大將。菅原道真爲權大納言兼右大將。中納言源光爲權大納言定爲三員。是歲尊皇太夫人爲皇太后。秋七月皇太子加元服時年十三。帝好佛乘遂禪位。自著書歷舉古今國家得失。臣士賢否誠新主其略曰明賞罰勿用愛憎慎喜怒勿形諸色勿聽婦言勿近小人詢治於有識求道於六經左大將藤原朝臣功臣之後。雖少諳

政事初頗聞內行不謹屢加激厲可資輔導右大將管原道真當今鴻儒深通政理直言不忌朕立儲貳獨與之議定且將讓位未果朝臣曰事留變生遂使朕意如金石則不唯朕之忠臣乃新君之功臣其敬重之季長遠典故長谷雄涉經典並宜進用上尊號曰後太上天皇以別於陽成上皇徙東三條院尋遷朱雀院

醍醐天皇諱敦仁字多長子母贈皇太后藤原氏內大臣高藤女在位三十四

年改元三曰昌泰延喜延長傳位皇太子崩壽四十六葬宇治郡山階陵

天皇即位于大極殿大納言兼左大將時平權大納言兼右大將道真以先帝命輔帝參決機務

昌泰元年戊午冬十一月朔日南至群臣表賀大赦

帝讀群書治要紀長谷雄侍讀

二年己春二月以時平為左大臣道真為右大臣兼左右大將並如故道真自以家本儒林而居台司眾望不厭三上表固辭不聽時年五十五時平二十八冬十月後太上天皇別髮法名空理稱法皇



三年_{庚申}春正月帝觀法皇於朱雀院相議左右大臣並執朝政無所統一乃召道真密諭使關白庶政如藤原基經故事道真固辭不受且奏召臣無事人心恠之因命題賦詩以獻賜御衣而罷以
大納言藤原高藤爲內大臣無何薨高藤冬嗣孫良門子冬十月文章博士三善清行上革命議以爲明年辛酉當帝王革命君臣剋賊之運宜深用意清行上書右大臣道真勸其退避道真不從延喜元年_{辛酉}春正月朔日有食之貶右大臣菅原

道真爲太宰權帥以大納言源光爲右大臣中納言藤原定國兼右大將定國高藤子初道真已受殊遇以格君致治爲已任知無不言綜理政務裁決如流天下想聞風采左大臣時平年少氣銳固執不相下道真不欲每事立異常竊嘆之時不及聞關白密旨益不懌光爲帝舅與定國皆以門地高愧位道真下式部少輔藤原管根道真所薦管忤意被怒啣之時平因與三人相結譖道真於帝誣其欲廢帝立齊世親王親王道真女壻也帝震

怒下敕貶謫道真憂悶。無以自白。作和歌哀訴。法
皇法皇驚欲見帝申救。菅根戒門者不通道真男
女二十三人。流徙各異處。天下冤之。時平又欲禁
錮放逐諸及菅門者。三善清行諫而止之。
菅原相公之貶。世專咎藤原時平稱譎。臣必以
爲稱首。賴裏以爲不然。曰。自外戚專政。類此者
多矣。不獨時平也。前焉如良房之斥。安倍安仁
基經之不用。藤原保則後焉。如師尹之除。源高
明兼通之忌。中書王皆是也。其意曰。台司獨我

家爲。彼何爲者。如源常與信光以其易制。故得
伴食耳。其與已相軋者。輒搏擊而去之。豈獨時
平哉。貶菅公非必時平所致也。然則誰所致。曰。
宇多致之也。宇多非患相門之如彼。故擢公使
與之衡。亦丁寧醜酬專聽於公者也。曰。是所
以禍公也。夫如彼者。非一日也。中外慣習。以爲
當然。擢之寒族。使與之衡。而能衡焉。無敢異議
何哉。鑒識之者在焉爾。故宇多在位。則儼然右
大臣。人望而畏之。一去位。則文章博士。妄據政

府也。雖無時平不可久安者勢也。且夫家宰之
寵於父者。其子必憎之。憎其倚父寵以制我也。
以爲我自有所用。何必是。且已所用。與已年齒
相若。志趣相投。而父所用皆否。民庶之家且然。
况人主有天平者乎。人主之所樂者。此位也。故
其所忌。莫甚於兄弟之逼於已中其所忌。以使
恣其所樂。宜乎其言易入也。况出於已所用常
所愛信者之口乎。故延喜之貶管公。不心待時
平之數言也。其情素然也。情與勢者。天下之所

不能違也。而宇多欲以一紙遺誠禁之。其不可
也必矣。故致管公之貶者。非宇多而誰乎。而公
亦可謂不自慮者矣。吾嘗審遺誠所言。立儲禪
位之議。管公實贊決之曰。事留變生。蓋是時基
經之女。未有所生。生則不可不立也。公豈慮於
此耶。然已定儲矣。雖不禪位可也。其意蓋謂雖
禪位。猶當傍觀扶植之。不知權已不在我。我言
寧可行耶。宇多崩於承和元年。去禪位三十四
專修佛法。噫。以此三十四年間。讀經研法之勤

皇朝通志卷之七

移之於政。政當更何如哉。而公亦終其輔翊之功。何貶謫憂死之有哉。襄故曰。管公之貶。宇多致之也。而公亦有以自取之。

[Faded bleed-through text from the reverse side of the page]

秋八月左大臣時平。大外記大藏善行。上三代實錄實錄道真所定居多。以其貶不得列名。善行年七十。時平會一時名士。閑宴稱壽。執弟子禮。時人榮之。

三年癸亥。春二月前右大臣兼右大將太宰權帥菅原道真薨。道真博學敏文。詞為宇多帝所識。拔終大用。及在配所。閑門不出。以文墨自遣。至是薨。年五十九。

四年甲子。春二月立皇子崇象親王為皇太子。後改

日本書紀卷之七

七

名保明母藤原氏。右大臣源光爲傳。三月法皇造
室仁和寺稱御室。

五年丑大內記紀友則。御書所預紀貫之等。撰古
今和歌集成上之。初平城朝。有萬葉集及嵯峨好
唐詩和歌幾廢。帝有志興廢。敕撰之。

六年丙夏五月帝受史記於式部大輔藤原菅根
秋七月右大將定國薨。八月以右大臣源光

兼右大將。
八年辰冬先是。敕時平及大藏善行撰延喜格至

是成。上。敕頒行之。

九年巳復四月左大臣藤原時平薨。時平多權數
帝患朝臣奢華禁之。不止。時平密奏。故自着美服
入朝。帝伴怒。召職事曰左大臣當躬儉約以率百
僚乃首犯朕禁。時平爲惶懼者屏隨身步歸第閉
門謝客。月餘時人相戒從儉。源光轉左大將中
納言平惟範兼右大將惟範葛原親皇孫。季長弟。
秋九月惟範薨。以權中納言藤原忠平兼右大
將忠平。時平之弟雅善管原道真及其謫數間遺

之不以兄故變時人多之。

十二年壬午夏疫京師火。是歲中納言紀長谷雄薨。長谷雄文才敏贍。詔敕多出其手。嘗與三善清行論文不合。清行罵曰。自古無有無才博士有之。始於汝。長谷雄不與校其慎如此。時諸學士多以議論相凌。任誕矜傲者。菅原道真嘗寄詩長谷雄。勸以敦厚化俗。及道真及嶋田忠臣等相尋逝。長谷雄歎曰。延喜以後。無復知我者。

十三年癸卯春三月。右大臣源光薨。光有膽識不惑。

妖妄說然。以陷菅原道真為時議所貶。復四月。以藤原忠平兼左大將。中納言藤原道明兼右大將。

十四年甲辰春二月。帝方勵精求治。以連年水旱不登。詔求直言。式部大輔兼大學頭三善清行上意見封事。其略曰。國朝天險土沃。民庶臣服。三韓所以能然者。國俗敦龐。民風忠孝。輕賦歛。踈徵發。上垂仁牧。下盡誠戴。上一國之政。猶一身之治。自後化漸薄。法滋彰。歛增役倍。戶口月減。田畝日荒。

既而佛法初傳。上下競傾產造寺。捨田施丁。極於天平國分二寺。各用其國正稅而天下之費十之五。桓武營宮城。盡賦庸調。又費五之三。仁明好奢。後房之飾。竭帑倍賦。又費二之一。貞觀中。宮殿頻災復修。又費一之半矣。則當今曾非古之十一也。臣嘗爲備中介試閱其一鄉。皇極晚年有二萬兵士神護。中有二千丁者。貞觀初七十餘人。及臣時得九人。今聞其無一人。二百五十年來。衰弊如此。以此推之。天下虛耗可知。陛下照萬古興衰宵衣

旰食降惠民。庶興復寧無可期。謹陳便宜十二事。其一請肅祭祀。祈豐穰不徒備故事而已。其二請禁奢侈。貞元間。親王公卿。以笄紫絹爲夏衫。令史生以白縑爲之。婦女婢妾。非純綾不服。富者誇逞志貧者耻不及一衣破產。一饌盡資。田疇爲蕪。盜賊爲滋。望隨階定制。至於葬喪亦然。亂其僭忒。自上率下。源澄而流清矣。其三請修口分田。此制爲叔租庸調而今已奸。田闕貢。牧宰懷無用之籍。豪富叔弁兼之利。須令闕實。班給其遺田。以爲公田。

任國司沽或納地子以充無身之調租猶有遺稍
納之不動今略計其數三倍調庸爲公有利爲民
無損其四請復大學學田治國在賢得賢在學今
至以大學爲坎墮之府凍餒之鄉望復學田又嚴
敕博士公貢舉法專論材藝不得受請託其五請
減五節選妓員無襲前朝好內之例其六請增置
判事舊制判事六員今獨大判事用明法者以萬
民死生繫一人脣吻括五刑輕重決獨見讞書乖
閱實之理望依舊皆擇明法律者使俱議科比詳

定條章復六員其七請均給百官四季祿比年官
庫之物唯公卿及出納諸司充給其餘五六年難
給一季料雖閑忙殊務至於頒賜宜無差別其入
請停諸國吏民越訴以牧宰之重與小吏賤民比
肩受鞠雖事得白威權已廢知耻之士誰冀爲吏
望盡拘以文法除叛逆外不發朝使其九請定勘
籍人數三宮以下諸王大夫命婦資人諸司衛府
式兵二省籍人一歲稍及三千人國朝課丁課與
羽太宰九國外不滿三十萬而大半無有身則見

丁十餘萬人而已。其中歲除三千人未盈四十年。天下皆爲不課之民。望年立定額大國十人。以次差之。以載蠲符其十。請選任檢非違使。督使檢非違使。本掌紕境內奸濫。今其民納贖勞料者爲之。望監試明法學生充任。今與羽鎮西及沿海諸國。督師皆充年給許命。斥賣唯論價直。不問才伎。望令六衛練習隨功勞任之。其十一。請禁僧徒濫惡。及宿衛強暴嚮官符禁權貴。規銅山澤侵奪田地。吏易施治。民居得安。猶遺是等。今諸寺僧得度。年

二三百人。大半邪濫。及逃課逋租者。天下之民。禿首者居三之一。皆畜妻啖腥。甚者爲盜竊鑄錢。望痛禁懲之。奪度牒。返本役。六衛舍人須結番警備。而散落諸國。此皆部內強豪。遭國司糾勒奔入洛。納貨籍宿衛者。望旣充補不得歸住寧歸者。限暇日取府牒送國衙過限者解職。送狀本府其十二。請修魚住泊西南三道舟程。自檉生至河尻五泊。各一日行。今此泊廢。自韓泊直指輪田蕩覆。年百艘。望差官司修造。以播備稅給其費。其餘嚮旣所

獻言不更重陳帝嘉納焉。是歲禁奢靡服。

賴襄曰三善清行以實用之才為實用之學。雖管原相公恐有所不及。其封事者所言雖有不_一敢盡者而切中時弊可用。當世與彼為無用之文詞者大異。然其為書母慮五千餘言。吾恐讀者徒誦不得其要領也。私芟繁除複約為千餘言而又究其意所歸宿論之曰清行之意不過張紀綱。修版籍以復物力而已矣。夫物力者國之所以存也。而其所以盛衰息耗者在於紀綱。

版籍二者故祖宗定制。必於此致意焉。使後世子孫賴以守其國。無此不可一日守也。然守之久二者歲弛月廢。名存實亡。其終至於守空器而天下之實移焉。是和漢之所同。而國朝為著焉。清行生於其漸弛廢之時。欲有以救濟之。當時君相非不嘉納之也。而不能盡用。及至其後弛者倍弛。廢者滋廢。獨後三條有志於興復之。而短祚不能有成。委靡壞墮。以至保元而窮矣。由二者之不修不張也。豈非百世之永鑑哉。本

朝富庶過絕外國誠如清行所言。而當時丁口
耗減如此。其後未知又如何也。而至輓近則息
矣。然當時有可班之田而近世則否。是古今所
異耳。至彼不可不修而張之者則一也。故清行
之言。不特可用當時也。天下之事。固有衆人不
憂而有識之士。獨憂之者。上共其憂則其憂可
止。上不共其憂而使之獨憂焉。憂將日深耳。烏
見其止也。清行此時已七十矣。而位不過四位
官。不過儒門常格。旣而纔得參議未幾而沒。嗚
呼。此人也。而不知用。則所謂延喜之政。亦非空
名無實者耶。向使寬平不早去位。與菅公並用
焉。以盡其才。則可以叔興復之實効矣。吾不獨
爲此人惜。爲王家惜也。自古有人才之用舍。關
國家之運者。豈獨清行哉。

皇朝通志卷之七

十一

夏五月東京火。延燒六百餘家。敕賑給遭火者。秋八月以大納言忠平為右大臣兼左大將如故。十五年亥冬大赦天下免延喜十年以前七道調庸減今年徭半。十六年丙子復四品貞純親王薨。親王清和第六子也。從妻父源能有學武事。子孫賜姓源朝臣世為將帥者本於此。十七年丑旱自九月不雨。至十二月京城井涸。敕許民汲冷泉院及神泉苑池水數日皆竭。

夏五月東京火。延燒六百餘家。敕賑給遭火者。秋八月以大納言忠平為右大臣兼左大將如故。十五年亥冬大赦天下免延喜十年以前七道調庸減今年徭半。十六年丙子復四品貞純親王薨。親王清和第六子也。從妻父源能有學武事。子孫賜姓源朝臣世為將帥者本於此。十七年丑旱自九月不雨。至十二月京城井涸。敕許民汲冷泉院及神泉苑池水數日皆竭。

日本文紀卷之七

十一

十八年戊寅冬十二月從四位下參議三善清行卒。
年七十二。

延長元年癸未春三月皇太子保明薨追復故右大臣菅原道真官爵贈正二位謫道真以來歲比不稔京師屢災又多旱疫太子暴薨世以為道真祟故有此命。夏四月立女御藤原氏為中宮皇孫慶賴王為皇太子中宮故攝政基經女故太子母王太子子也。
二年甲申春正月以右大臣忠平為左大臣大納言

兼右大將藤原定方為右大臣。

三年酉夏皇太子慶賴薨冬立皇子寬明為皇太子故太子保明同母弟。以左大臣忠平為傅其舅也。

四年丙戌定諸國上損戶法。

五年丁亥冬延喜式成。

六年戊子復使少內記小野道風書歷代賢君名臣言行於清涼殿南廂粉壁。道風篁孫葛絃子也。

七年己丑秋七月大風雨鳴川決敕發正稅賑山城

被水者甚者免今年調庸

八年庚春救左右京移養飢疫貧民於施藥慈田

兩院。復四月渤海國使裴璆等來。先是契丹主

阿保機攻滅渤海改號東丹命其子突欲鎮之璆

等降附。至是自稱東丹國使救曰東丹失禮義使

者無人臣之節謬奉臣下使以入上國。宜詰責以

懲將來因却還之前此渤海數通使此後遂絕。

六月雷震清涼殿大納言藤原清貫。右中辨平希

世等震死。帝不豫。秋九月帝病篤。禪位皇太子

詔左大臣忠平輔之上尊號太上天皇是月崩遺

詔薄葬不奉謚帝致心政治每群臣奏對必和辭

色曰人主形威嚴何以得臣下盡言哉。又嘗方寒

夜親脫御衣以體凍餒之苦世以比仁德帝後世

言治心稱延喜云。冬十月葬醍醐天皇。

朱雀天皇諱寬明醍醐第十一子母中宮藤原氏攝政基經第四女在位十七

年改元二曰承平天慶後六年崩壽三十火葬藏骨於後山階陵側

冬十月天皇即位于大極殿左大臣忠平攝政十

二月右大將定方轉左大將大納言藤原仲平兼

右大將仲平忠平兄也。帝生於舅忠平第。至是甫八歲。生薄弱。常在深室。少見天日。世以爲管氏崇承平元年。卯春。以京師多盜。命衛府檢非違使。每夜巡捕。秋七月。法皇崩。宇多年六十五。法皇深於佛理。所謂廣澤小野二派。皆推法皇爲宗祖。屢微行。尋畿甸名山遺詔。以席褻棺約。以葛火葬。勿起山陵。奉謚號天皇無謚。始于此。八月葬。宇多天皇。二年辰秋八月。右大臣定方薨。仲平轉左大將。尋

爲右大臣。大納言藤原保忠兼右大將。保忠時平長子也。

三年巳癸冬。南海道賊起。遣警固使諸國奉幣。諸社後又修大元法於豐樂院。及治部省以祈賊平。六年丙夏六月。以從四位下紀淑人爲伊豫守。追捕海賊。淑人務招流亡。賑困窮。威惠並行。降渠帥三十餘人。衆二千五百。分給廢田及衣食。悉就農耕。海氛盡清。淑人長谷雄子也。秋七月。右大將保忠薨。八月。以大納言藤原恒佐兼右大將。左

日本書紀卷之二十一

大臣忠平爲太政大臣聽牛車出入闕門。

七年酉春正月帝加元服受朝賀仲平爲左大臣

左大將如故右大將恒佐爲右大臣。

天慶元年戊戌夏恒佐薨以中納言藤原實賴兼右

大將是歲地數震冬大雪深丈

二年己秋八月盜躬殺尾張守共理冬十一月

下總賊起攻常陸介藤原維畿下野守藤原弘雅

上野介藤原尚範皆敗之初上總介高望葛原親

王孫也賜姓平子良將爲鎮守府將軍良將子曰

將門勇悍善射少仕攝政忠平求爲檢非違使忠

平不省將門走赴下總聚徒爲盜攻伯父常陸大

掾國香殺之與叔父下總介良兼數攻闕朝廷將

討之將門先馳詣闕疏辨得釋及良兼卒乃據下

總襲執維畿武藏權守興世王爲謀主圖遂割居

關東攻降弘雅逐尚範自僭號平新皇闕府據嶋

偽置百官諸國亡賴徒爭殺官吏應之初將門與

藤原純友者親密嘗謂之曰吾王族當爲天子藤

氏當爲關白於是純友爲伊豫掾任滿不還據海

島遙應將門攻殺備前介藤原子高京師戒嚴閉
三關

三年庚子春正月敕進天下各神位一階下官符東

海東山二道募勇敢士能殺賊帥者賜朱紫田地

世襲次將以下隨功賞之二月以參議藤原忠

文為征東大將軍賜節刀討下總賊以小野好古

為山陽道追捕使討伊豫賊三月常陸掾平貞

盛與下野押領使藤原秀鄉等擊下總賊平之五

月征東大將軍忠文等途還叙貞盛秀鄉並從四

位下賜功田貞盛國香子有武幹欲報父仇攻將

門不克來訴朝廷朝廷授此官乃與秀鄉收兵四

千襲殺將門忠文素恪勤及受命不歸家直發至

駿河聞事平乃還朝議欲與褒格實賴以其無功

不可藤原師輔曰是不為無勞何可獨遣實賴固

執不可秋八月讚岐介藤原國風討伊豫賊大

破之賊走太宰府

四年辛丑春追捕使小野好古追擊悉平之先是國

風招降賊將藤原恒利以為鄉導衝賊巢窟純友

敗走太宰府。燒周防鑄錢司。又侵土佐。好古與太宰少貳源經基。主典大藏春實等。水陸合攻。戰於博多津。春實爲先鋒。戰尤力。賊敗入海。好古急追殺。溺略盡。純友亡。還伊豫。警固使橘遠保逆擊斬之。

國朝定制以來。稱動兵革者。止於邊寇。未有臣子內叛者。有之。始於天慶論者。歸罪於朱雀之君。相賴襄曰。是徒見其末。未探其本也。天慶之亂。釀於延喜之朝。何以言之。曰。天下之亂。猶魚

之爛也。魚之爛也。其腸先敗。視其鱗鬣。猶仍鮮美也。以爲鮮美。而度置之翌日。而出之。潰餒臭腐。不可食矣。觀延喜之朝廷。其禮文制度。豈不備且美哉。時稱太平。數舉宴樂。召集文士。歌頌鬱起。而水旱疾疫。民不聊生。盜賊充斥。閭里雖有經理之政。徒行於近。不周於遠也。世徒稱其寒夜脫御衣之一。豈是所謂有仁心仁聞而澤不及民者也。且自貶菅原相公。而藤原氏之勢倍盛。其立國儲舍長子克明而立保明。以其爲

基經外孫。時平外姪焉。爾猶之可也。及保明天
夏立其子。其子亦殤。而立其同母弟。帝多皇子
當是時。言其長則有代明。言其賢則有重明。有
兼明。皆舍不立。而必立相家所出。何也。非憚之
哉。是所謂仁而不武。無能達也。時平旣沒。又以
其弟忠平執政。託以八歲天子以臨制。如彼之
天下。如之何其不乱也。余嘗於外史詳叙此亂
而論之曰。是由相家驕傲。壅隔上下之所致。蓋
君相所務。不過目前之私。天下之紀綱廢壞也。

人才壅滯也。姦雄窺伺也。皆漫不省恤。及其潰
決。所謂雖有善者。無如之何者。何況朱雀之公
卿乎。徒呼號神明以求救濟。不足恠也。朱雀之
時。右大將保忠。每冬月入朝。灸餅懷之。以自煖。
稍冷。賜之從者。世稱其慈惠。呼爲賢人。大將右
大臣實賴。聚群兒。啖菓隔牆聽其語。以知世情。
世稱其用心於政。當時大臣之所爲。徒如此類
而已。微祖宗德澤。此焉能濟。禍亂而何足責哉。

三
正
言
七

七

冬太政大臣忠平改攝政為關白如基經故事。
帝自寫法華經。追修兵死者福。後亦詔諸寺造一
萬率都婆。是歲納忠平孫女為女御。大納言實賴
女也。
六年癸夏早疫。
七年甲夏以大納言藤原實賴為右大臣。立皇弟
成明親王為皇太弟。以帝無子也。是歲秋大風雨
八年乙秋大風雨。左大臣兼左大將仲平薨。嘗有
星變占咎在大將。右大將實賴讓之。仲平不讓。曰

冬太政大臣忠平改攝政為關白如基經故事。
帝自寫法華經。追修兵死者福。後亦詔諸寺造一
萬率都婆。是歲納忠平孫女為女御。大納言實賴
女也。
六年癸夏早疫。
七年甲夏以大納言藤原實賴為右大臣。立皇弟
成明親王為皇太弟。以帝無子也。是歲秋大風雨
八年乙秋大風雨。左大臣兼左大將仲平薨。嘗有
星變占咎在大將。右大將實賴讓之。仲平不讓。曰

日本
文
記
卷
之
七

七

實賴年少才高。吾已老耄。死亦何損於國。性好殖貨。倉庫多於宅地。稱批把大臣。十一月實賴轉左大將。大納言師輔兼右大將。

九年丙帝禪位皇太弟。遷朱雀院。帝性柔仁。關白忠平嘗奏。外議以為時政過寬。帝曰。朕聞之。先帝君家先關白有言。政如張琴。大絃急則小絃絕。朕若嚴急下民。何堪。

村上天皇

諱成明。朱雀同母弟。在位二十二年。改元四日。天曆。天德。應和。康保。崩。壽四十二。葬於葛野郡村上山陵。

夏四月。天皇即位于大極殿。尊先帝為太上天皇。太政大臣忠平。右大臣兼左大將實賴。大納言兼右大將師輔。並如故。帝年二十一。忠平關白庶政。實賴師輔。其二子也。

天曆元年。夏實賴為左大臣。師輔為右大臣。是歲祀前右大臣道真于右近馬場。參議兼民部卿藤原忠文卒。忠文嘗為近衛司。每宿直。繫察馬於側。聞其嚙芻聲。警眠。帝欲聽其昇殿。固辭而止。

二年戊申。夏早秋大風雨。

三年配春關白忠平以疾請致仕。優詔不許。敕賜
度三十人。敕十六寺禱之。大赦秋薨。敕廢朝三日。
贈正一位。封信濃公。諡貞信。忠平與兄時平仲平
並執大政。世稱三平。前太上天皇崩。冬十月葬
陽成天皇。

四年庚戌秋七月立憲平親王爲皇太子。母藤原氏
左大臣實賴爲傅。先是大納言藤原元方女爲夏
衣生皇子。廣平元方喜謂必爲國儲。而右大臣師
輔女爲女御。生憲。平生三月立爲太子。元方失望。

遂以憂卒。後冷泉華山三條三帝。皆短祚。世謂元
方爲崇也。

六年壬子秋八月太上天皇崩。遺詔薄葬。勿置陵。稱
朱雀院。天皇稱懷始此。葬朱雀天皇。

八年甲寅春太皇太后藤原氏崩。秋九月式部卿
重明親王薨。親王醍醐子。好學。醍醐崩。臣子喪服
皆期而除。獨重明行三年喪。所著有吏部王記。
右少辨菅原文時上封事請停賣官。曰方今授任
非不正。而有以財官人助國用者。功勞之臣自退。

聚歛之徒爭進。昔漢明帝不許公主爲子求郎。而賜錢十萬。以官非其人則害及百姓也。降及桓靈。乃初賣官。漢業以衰。是可鑑也。又請禁奢侈。懷遠人帝皆嘉納。

九年。虬罷師輔右大將。以大納言藤原顯忠代之。十年。甲辰秋。早詔減服御常膳。禁左右馬寮秣穀量。停諸作役。省冤獄。令諸國灌溉。先貧後富。賑恤窮民。除畿內七道。天曆五年。以徃調庸未進者。免東海東山山陽三道驛戶田租。限三年。先是群臣奏

請減俸祿。不許。至此敕減十分之一。

天德元年。丁春。罷實賴左大將。夏。以顯忠代之。中納言師尹兼右大將。顯忠時平子。師尹忠平子也。冬。以連年穀貴。運近國不動穀於穀倉院置常平所。

二年。戊午十月。立女御藤原氏爲中宮皇太子母也。是歲鎮守府將軍源經基卒。經基貞純親王子。賜姓源。子滿仲又襲父官。

四年。庚申春三月。御清涼殿爲歌合會。歌合始此。

夏右大臣師輔薨師輔能容衆雖久闕問者至則待之如初是以父時賓僚多來歸焉。秋八月以大納言顯忠爲右大臣。九月禁中火。歷代重器文書多亡帝避於太政官朝所深自警懼召大臣實賴曰其助補不逮乃索得神鏡燼中內侍以袖受之以出。遂稱鏡曰內侍所。冬帝徙御冷泉院。敕課畿內南海及東至美濃西至長門十六國。修宮期以明年令大納言藤原在衡董役。應和元年辛酉夏五月詔免造宮諸國今年半租。十

一月宮成。還御。

三年癸亥冬大納言源高明奏請獎學院諸生準勸學院例給年官任諸國掾。

康保元年甲子夏中宮藤原氏崩。納其妹爲尚侍中宮右大臣師輔女。有婦德帝屢問政事所言多聽。又藤原師尹女爲女御。以明慧得寵遂踈后后崩。帝乃念之。后妹登子爲帝兄重明親王室。出入宮中帝悅之通焉。及重明薨欲納之而憚后后崩踰月乃納爲尚侍絕寵之。至晝不出寢。欲立爲中宮。

以前有子乃止。左大臣實賴竊惜其累德而不能匡止也。

二年_丑夏左大臣顯忠薨年六十八。時平子也。顯忠性節儉。出無前驅。諸兄弟皆壯歲歿。世爲菅氏。崇顯忠。每夜出庭拜訴。五月以大納言源高明兼左大將醍醐第十七子。冬十月行幸朱雀院。觀左右馬寮騎召文臣四十人獻詩。親試之。

三年_{丙寅}春正月以源高明爲右大臣。三月御射場試親王公卿以下射。秋大水。賑兩京民被災者甚者免調徭。

四年_{丁卯}夏五月天皇崩。遺詔薄葬。勿置陵。帝寬恕。思無偏私。嘗問近臣外間以朝政爲何如。對曰稱其寬。帝喜曰。朕志也。又嘗召一老吏問曰。朕治孰與延喜。老吏懼不敢對。帝頻問之。吏乃曰。賤臣何有所見。唯覺主殿寮多進松明。率分堂前生草。與前代少異耳。蓋寮政務所會堂。割大藏省十分一別納。謂政事煩劇。歲貢無餘也。帝聞之。有愧色。自是益加意政治。論者謂其亞醍醐。稱延喜天曆云。

日本政記 卷之七
帝好文學多才藻而愛文士上素寵任大納言源
延光適有踈待色延光懼不朝俄召見曰學生藤
原雅材者甚有文才卿盍薦之延光頓首謝乃奏
雅材爲郎故事文章博士必兼他官攝直幹爲博
士七年未有所兼上疏自訴貧困帝不憚然愛其
詞卽日下敕兼民部大輔直幹疏小野道風所書
上以其詞書兩絕甚賞玩之後禁內火先問曰直
幹疏無恙其愛才如此六月葬村上天皇
賴襄曰世之言王政必稱延喜天曆以其典章

文物爛然具備而已。察其實多不稱者譬若人
之風乎。映麗而心腹蓄疾。是良醫之所畏。故識
者於二代無取焉。而謂天曆不及延喜者非也。
然當時已謂然矣。觀村上與老吏問答可見焉。
襄獨以天曆爲勝。延喜何以知其勝卽此一事
以知其勝也。夫以萬乘之尊。問政事得失於一
賤吏。非其留心於政。孜孜不倦。何能如此。至聽
其言以自知不足。益勤於政。則人主之所絕無
而屢有足以爲百世之法矣。延喜恐未能及此。

何則其先皇之遺誠而不肯聽也。則其他可知矣。和顏接下導之使言可矣。因災異求直言可矣。而未聞其聳懼聽納其言而省於已如此也。蓋老吏言所謂主殿寮多進松明者言劇務至夜未已也。其清其本源使不至煩劇上也。其次雖至煩劇勤而不倦也。倦而不勤斯爲下矣。所謂率分堂生草者言歲貢無餘也。夫量入以爲出。國計常有餘者上也。其次出者與入者相當也。量出以爲入而猶不足者斯爲下矣。醍醐繼

列朝太平之業。而村上承天慶大亂之後。國用之羸縮。宜相懸絕也。而其賑恤之政。視之延喜無或不及。非勤政之効。何以至此。以此言之。雖曰天曆勝延喜可也。其授政權於外戚。則延喜之遺毒不可解免耳。雖然兼明高明於帝爲親兄弟。藤原在衡於戚黨爲踈屬。而皆引當要路。使與諸權戚相鈐制。視之延喜之忌弟。逐父所簡遣大臣而獨任二后兄者。孰與耶。或曰高明亦以中宮妹夫爾。然則謂兼明在衡何乎。至若

夫好內寵帷薄不修。所謂累德之大者。雖然未
至如唐明皇奪子之妻。勤政不終。終速大亂。要
之。當時風習。多如此者。不可專尤於帝也。

夫好內寵帷薄不修。所謂累德之大者。雖然未
至如唐明皇奪子之妻。勤政不終。終速大亂。要
之。當時風習。多如此者。不可專尤於帝也。

冷泉天皇

諱憲平。村上第二子。母中宮藤原氏。右大臣師輔女。在位二年。改元

安和。讓位皇太弟。後四年崩。壽六十二。葬櫻本。乾原。

冬十月。天皇即位于紫宸殿。帝有疾未愈。不能御。

大極殿。時年十八。十二月。左大臣實賴為太政大

臣。關白。庶政聽節。會日不就班。直上殿。立皇弟守

平親王為皇太弟。右大臣高明為左大臣。大納言

師尹為右大臣兼皇太子傅。

安和二年。春三月。貶右大臣源高明為太宰權

帥。藤原師尹為左大臣兼左大將。大納言藤原在

衡爲右大臣大納言藤原伊尹兼右大將初村上
中宮生帝及爲平守平二親王殊愛爲平中宮妹
適高明高明又進其女爲平妃旣而中宮與其
父師輔皆逃爲平失勢村上以帝有心疾欲立爲
平爲其儲貳諸藤原氏以其婚源氏沮之及村上
崩關白實賴稱遺詔立守平高明失望右大臣師
尹害高明常謀因事除之代其位至是帝病不愈
中外謂當有禪位左馬頭源滿仲與中務少輔攝
繁延等容謀奉爲平走關東作亂已而滿仲意中

悔請師尹誣告高明與繁延等謀廢立上未之信
師尹急戒嚴諸門遣兵圍高明第矯詔貶謫繁延
等皆坐流京師騷擾如天慶亂爲平憂懼欲削髮
帝慰諭止之八月帝疾劇讓位皇太弟遷冷泉
院

賴襄曰安和之變可謂可疑矣夫源高明進女
於爲平親王出村上之命曰謀擁立之以擅政
者臆逆之言耳雖然村上欲立爲平爲冷泉之
儲貳而以其與源氏婚有沮之者實也及村上

崩遂矯遺詔立守平親王蓋不厭中外之心故
曰高明失望出怨言者或輿誦所傳也而亦未
可必其實否也舊史乃稱高明怨望爲亂者所
誣告連及然而所謂作亂者何人哉非省府下
僚則國介耳典厯耳忽謀奉親王奔關東爲平
新皇之所爲是最可疑者也不然其意中變走
告者就中稍有威望者也饒令自首宜少加斥
黜而無所問卽雖稱爲逆首者間歲輒召還給
封五百戶無所防護何哉嗚呼此與承和之變

延喜之事其情一也三者獨延喜世全知其寃
而承和與安和以半爲實以半爲寃吾斷以爲
全寃也搆此寃獄者有主有從延喜之源光安
和之藤原師尹皆所謂從也知延喜之爲主者
則知安和之爲主者而承和之爲主者亦可知
矣曰雖然主於承和者未逞其志者也主於安
和者則旣逞矣而何苦組織搆成之耶曰彼以
其所據地爲私有欲私相傳恐它人奪之也故
其所組織獄詞皆如自言已之肺肝也

日本正言卷之七

九

其前... 其後... 其間... 其外... 其內... 其下... 其上... 其左... 其右... 其前... 其後... 其間... 其外... 其內... 其下... 其上... 其左... 其右...

圓融天皇 諱守平冷泉同母弟在位十五年
改元五日天祿天延貞元天元永

觀傳位皇太子後七年崩壽
三十三茶毘藏骨村上陵側

秋九月天皇即位于大極殿尊先帝為太上天皇

太政大臣實賴攝政如忠平故事立皇姪師貞親

王為皇太子左大臣師尹為傅冬左大臣師尹

薨大納言伊尹轉左大將中納言賴忠兼右大將

賴忠實賴子伊尹師輔子

天祿元年庚春正月以藤原在衡為左大臣伊尹

為右大臣以大納言源兼明為皇太子傅夏五

日本正言卷之七

日本政記卷之七
四十一
月攝政實賴病疾詔大赦天下救之。遂薨。贈正一位封尾張公諡清慎實賴練達朝章人稱其盡心政治右大臣伊尹攝政。秋八月以大納言源兼明爲皇太子傅賴忠轉左大將大納言藤原兼家兼右大將兼家師輔第三子。冬十月左大臣在衛薨。系出左大臣魚名在村上朝以格勤至大納言常探知帝所讀書每入朝車中看其書遇顧問占對明悉。以是得寵源高明之貶。在衛聞之歎息家臣賀當代其位在衛大怒逐之。

二年辛冬十一月以右大臣伊尹爲太政大臣大納言源兼明爲左大臣大納言賴忠爲右大臣兼明高明兄。是歲召還高明。
三年壬春正月帝加元服。冬伊尹疾。賜度者八十人罷攝政太政大臣如故。遂薨。贈正一位封參河公諡謙德以權中納言藤原兼通爲內大臣內覽宣旨兼通伊尹弟。兼家兄也。以兼家超已顯達常缺望屢廢朝參上稍踈之兼通意望攝關恐兼家妨村上中宮其妹也其在時兼通嘗竊請其手

書曰攝關有闕當兄弟相及不宜躐等置之懷袖
及伊尹病萬料其不起乘間進請上望見欲起入
兼通捉上裾復坐乃奉其書上見母后手跡愴然
乃超任之

天延元年癸秋立女御藤原氏為皇后內大臣兼
通女

二年甲春兼通為太政大臣關白諸政尋賜牛車
貞元元年丙夏五月禁內火課諸國造宮城六月
地大震至九月不止民多壓死帝避出南庭周幄

為御座遂遷御關白兼通堀河第

二年丁夏四月罷左大臣源兼明以藤原賴忠為
左大臣大納言源雅信為右大臣賴忠兼通所善
兼明其所惡也冬十月兼通有病以賴忠為關
白罷兼家右大將以中納言藤原濟時代之初兼
通已專政又逼請為關白第宅僭擬宮闕有謗者
中以危法時人語曰寧投虎口勿觸攝政口與兼
家益嫌隙朝臣詣兼家者以夜又誣奏兼家女幸
冷泉上皇生子因圖廢立帝不信兼家聞其疾劇

日本書紀卷之七

四十一

曰吾將爲關白遽入朝兼通聞其喝道聲以爲問
已病拂席埃過門不入乃大怒奮起力疾入朝兼
家望見避之兼通意色殊惡直前奏曰臣今日行
最後除目左大臣賴忠當代臣爲關白兼家謀反
當解見任左轉治部卿奏可兼通願公卿曰誰欲
大將皆相曰未言濟時趨進曰臣可乎乃奏代兼
家十一月前關白兼通薨敕廢朝三日贈正一
位封遠江公諡忠義 十二月權大納言藤原朝
光兼右大將。

天元二年戊寅賴忠爲太政大臣關白如故源雅信
爲左大臣藤原兼家爲右大臣先是兼家作歌哀
訴帝慰答之及兼通薨賴忠奏請因有是命

二年己卯夏中宮藤原氏薨。

三年庚辰冬禁內又火詔減御膳免諸國調庸逋負。
除徭半。

四年辛巳春免與修宮役諸國今年租半。

五年壬午春京諸國多盜賊奪調庸放火劫入。有乾
露又登弘徽殿捕得之夏六月盜火式盜門冬十

一月禁內又火帝遷御堀河後院是歲能登守源順卒順嗟峨帝四代孫有才學而沈滯作無尾牛歌述懷上聞憐之與此官在任三年卒著有和名抄

永觀元年癸未復四月改元大赦以頻年多災變故

二年甲申秋八月帝讓位皇太弟立皇子懷仁為新帝儲貳初中宮崩立女御遵子為中宮關白賴忠女也先是兼家女詮子亦為女御有寵上以賴忠

故不敢立兼家患已而詮子生懷仁其第上欲臨視憚中宮不果數召詮子兼家留不遣又自稱病不朝上欲慰之令懷仁着袴禁內詮子因入宮三日復出上又搗懷仁出觀相撲節會因強起兼家入朝親諭之以傳禪意曰卿不知朕意耳兼家乃悅九月上帝尊號後太上天皇以別於冷泉上皇

華山天皇

諱師貞冷泉長子母贈皇太后藤原氏攝政伊尹女在位三年改元

一日寬和遜位後二十二年崩壽四十一葬紙屋川上法音寺北

冬十月天皇即位于大極殿時年十七太政大臣
賴忠關白庶政左大臣雅信兼太子傅右大臣兼
家左大將朝光右大將濟時並如故權中納言藤
原義懷左中辨藤原惟成參決機務義懷伊尹子
機敏諳朝章雖以資望尚淺未外台司然以外舅
故親任惟成右少辨雅材子方正有幹略與義懷
協心贊畫文章博士兼彈正少弼大江匡衡爲侍
讀帝勵精圖治紀綱稍振盜賊屏息先是太宰府
多私帶兵仗者聞上即位皆解散詔求直言曰朕

在東闡十餘年。則位日淺。粗聞前事。欲圖後治。頃
水旱頻降。民困土木。浮食日多。少執節儉。倉廩已
竭。田園自荒。夫國之將興。上下聚脣。其將廢。道路
以目。雖澆季之俗。疲極之民。忘身戮力。庶可扶濟。
人和而天和。民足而君足。所謂大臣重祿不諫。小
臣畏罪不言。下情不上通。此患之大者。宜令公卿
以下。內外百官。五位以上。及秀才明經。及第者。各
上封事。匡朕不逮。卿等自慮中心。廣詢衆庶。莫遺
微賤。凡國之利害。政之得失。盡露其膽。莫得諱隱。

寬和元年酉秋七月女御祇子卒。大納言藤原爲光女也。

二年丙夏六月右大臣兼家使其子道兼奉帝出宮。削髮于萃山元慶寺。權中納言義懷左中辨惟成並削髮從之。初上性輕佻。數易所奉。獨祇子不渝。有身例出宮。就其家上不忍離。強召同寢。終不分。婉卒上哀毀迷亂。道兼爲藏人左小辨雄策多智。兼家授之計。勸上遜位歸佛。曰臣亦奉從上許諾。約期義懷惟成知之。數諫慰。是月庚申夜道兼

得聞。使人先奉劍璽於東宮。已與僧嚴久潛奉上出宮。上猶豫。道兼急促之。入寺。厥明。落飾。道兼將剝。伴請還家。訣父母。乃去。不復來。天文博士安部晴明察乾象有變。急入朝奏之。不及。義懷與惟成聞之。馳至寺。相視失聲。愧輔豈無狀。並薙髮爲僧。持戒終身。法皇曆遊常苦。至病卧海濱。殆不起。後入京。居外祖母家。稍近婦女。

賴襄曰。王家之事。至冷泉圓融萃山之際。吾不欲復論之也。夫以帝王之貴。宰輔之重。宗廟社

禮生民之所寄。而其廢立黜陟一依閭閻之私。寧可復論其得失哉。至兼通兼家之事。可謂甚矣。兄弟爭權。至以天位博奕。是謂大亂之世。不待保元平治也。其躁競無耻。狡悍不忌。千載之下。使讀者掩卷。是爲何等朝廷乎。雖然原彼所以能然者。人君初使之然焉耳。己不慎其德。欲敗度縱敗禮。以私滅公。使權下移。其勢終至此。可不哀哉。所賴者祖宗之紀綱具在。有以一振之。雖潰敗之極。不患不可自立矣。史稱華山初

卽位。厲精圖治。盜賊屏息。太宰府去京師。二百餘里。其私帶兵仗。不肯從法令者。聞上卽位。皆解散。其求言之詔。鑿然起衰救敝之急務。足以使天下革面洗心。雖或由惟成義懷之所教。而未必不出於其衷也。苟執此心不撓。實其言而擴充之。雖有大姦劇賊。將斂其手。而何有於此。猥瑣小黠之輩哉。奈何其以一婦人之故而舍天下之悅將歸己。而不顧其爲人所騙。弄視其始如兩人者何哉。仲尼贊乾曰。天行健。君子以

弟居貞親王爲皇太子。

永延元年。秋九月中。務鄉兼明親王薨。親王以雄才博學。聞圓融朝爲左大臣。爲攝政兼通所忌。罷爲中務卿。陽尊實奪其權。乃營龜山莊作菟裘。賦以自遣。及帝長好學。召兼明子伊陟。問其遺物。伊陟對曰。唯有菟裘。令獻之。乃菟裘賦也。有扶桑豈無影乎。浮雲掩而乍昏。叢蘭豈不芳乎。秋風吹而先破旬。上嘆息。自書其句。藏巾箱。帝崩後。關白道長入卧內。覩而惡之。手裂之云。

二年。子壽攝政兼家六十。設宴其第。家兼營又二條京極第。成大宴朝臣。東宮大進源賴光贈馬三十匹。以頒賓客。宴集之盛。前此所未有。

賴裏曰。一條帝亦有志於治者也。曰。吾得人才一事。不讓延喜天曆。然吾觀其所謂人才。如四納言。世所盛稱。雖練達朝章。大抵容媚權門者耳。大江時棟慶滋保胤等。以文學稱。藤原佐理行成等。以筆札著。而毫無補於國家。然猶謂才與地稱矣。源雅信以善音律。能轉喉爲新調。聞

者傾聽藤原朝光創意爲透額冠。後人遵用。大臣大將之所爲。如此而已。朝廷之政。爲權家所擅。使天子於邑鬱結而袖手傍觀。無敢一言匡救之。可謂之朝廷有人矣乎。攝政兼家之落二條京極第也。大宴朝臣。源賴光贈馬三十四以頒賓客。世傳以爲宴集盛事。前此所無也。夫賴光時爲東宮大進。其戢小也。其祿薄也。而有馬三十四何哉。使當時公卿有虞天下國家者。可不加之意乎。蓋公鄉大夫以恬熙爲務。媮衣井食。漁色鬪歌。而捕盜討賊之事。委之武臣。世官者曰。是賤事耳。而不省地方兵馬之富。漸歸其手。他日平治建久之勢。隱然已胚胎於此。而舉朝莫能察。徒以資誇談焉。果無人故也。則其所謂才者。可知已。兼家子道長。夏極專擅。家出三后。身爲兩朝外祖。嘗咏歌其意曰。此世吾之世也。嗚呼。何知二百年後。代有此世者。更有其人哉。

讓關白職於長子道隆尋為攝政。先是兼家京極第多恠乃捨為寺曰法興院尋削髮稱法興院關白。相家稱院始此。敕度一百人大赦天下。祈病愈。奏辭職左中辨藤原有國。右中辨平惟仲為兼家信任。曰。是我左右眼也。將奏辭職問二人。吾子誰可嗣。朕有國善道兼。曰。公執柄三郎力也。惟仲曰。舍嫡則何。乃立道隆。道隆曰。吾至此非德選。特以嫡長。然所喜得報有國耳。即職。即奪有國父子官。六月罷攝政道隆左大將。濟時轉左大將。權大

納言道兼兼右大將。秋七月兼家薨。道兼以有功於父。缺望。在喪無戚容。會客游嬉。源賴光弟賴信仕道兼。欲刺道隆曰。使吾主代之。賴光掩其口止之。冬立道隆女定子為中宮。時帝年十一。中宮十五。

二年卯春正月法皇崩圓融葬圓融天皇。秋七月罷攝政道隆內大臣。九月右大臣藤原為光為太政大臣。大納言源重信為右大臣。權大納言道兼為內大臣。皇太后削髮號東三條院。女院

始此。

三年壬辰復大水。太政大臣為光薨。贈正一位。封相。

摸公諡恒德。稱鷹司相國。其女為華山女御。病卒。

為光哀感。遂歸佛。創法住寺居焉。稱法住寺大臣。

四年癸巳夏。道隆辭攝政為關白。秋。以右大臣重

信為左大臣。左大臣雅信辭職。尋薨。雅信字多帝

孫。善倭歌及蹴鞠。又善音律。轉喚為新調。聞者傾

聽。

五年甲午春。帝始視除日。秋。內大臣道兼為右大

臣。權大納言伊周為內大臣。伊周道隆次子。才貌

過人。父愛之。故超越先輩。年僅二十一。

長德元年乙亥夏。關白道隆薨。道隆在職多汲進妻

黨。時論少之。性嗜飲。與藤原朝光。藤原濟時為酒

敵。臨終曰。吾不得與二子俱。則生天堂亦不樂。已

而二人相繼薨。人以為奇。朝光兼通子。濟時師尹

子。並至大將。朝光美姿儀。嘗創意製透額冠。後人

遵用。朝光初娶重明親王女。生數子。聞大納言源

延光妻新寡。醜而饒貲。乃逐其室而娶之。初村上

日本正言卷之八

帝善箏授之濟時傳其女娥子皇太子貞聞暴之遂納為妃濟時悅謂必賜輦車詣關白兼家言情兼家諾之拜舞而出然輦車竟不下世呼為空拜大將以右大臣道兼關白庶政權大納言藤原道長兼左大將五月道兼薨在職僅七日世曰七日關白敕道長內覽太政官文書道長兼家季子豪爽負氣嘗有相者視之曰是謂虎獨步深山貴顯無比是歲春道隆病奏令其子伊周攝省中事帝以伊周中宮兄固親寵之及道隆薨道兼

為關白伊周失望道兼薨伊周自謂必得政上意亦在焉而東三條太后道長姊也欲其執政上不聽太后大恚上不得已從之是月左大臣源重信薨六月道長為右大臣大納言藤原顯光兼右大將是歲以藏人頭源俊賢為參議以藤原行成為藏人頭俊賢高明子行成伊尹子初藏人頭關白道隆難其人問俊賢俊賢曰莫踰下官者道隆奏舉之至此上問俊賢自舉可代者以行成對後皆為納言時藤原齋信為光子藤原公任賴忠

日本正言卷之八

七

日本正言卷之八

子與俊賢行成並為納言。明習朝典。世稱四納言。

二年丙夏。內大臣藤原伊周有罪。貶為太宰大貳。中納言藤原隆家貶為出雲權守。先是。故太政大臣為光二女。曰三君四君。孤居鷹司。第伊周私三君。萃山法皇排四君。數往觀之。伊周意與三君通。告之共弟隆家。隆家率惡少夜要法皇。放矢怖之。誤中其衣。中外不敢言。已而東三條太后疾。或言其由伊周咒詛。乃有此命。先是。中宮有身出居。伊

周第伊周亦徘徊不往。上聞之。乃安置伊周于播磨隆家于但馬。已而伊周私歸西京。遣檢非違使押送太宰府。中宮生皇女。大赦。並見召還。秋。道長轉左大臣。大納言顯光為右大臣。是歲大饑。米價騰貴。

三年。丁酉。秋。藤原公季為內大臣。

四年。戊戌。以文章博士藤原為時為越前守。越前守闕。為時與源國盛並冀望之。左大臣道長援國盛為時。竊上書哀訴。上讀之。悽惻。至不御膳。道長乃

日本正言卷之八

七

罷國盛與為時。

長保元年夏禁內火。課諸國造宮。冬以左大

臣道長女彰子為女御。

二年庚子春二月立為中宮稱上東門院故中宮定

子改曰皇后彰子生豐艷髮長於身二尺許道長

殊愛之欲其貴及入內裝奩玩工宛極工巧居飛

香舍侍女數十人皆妙選一時才色時彰子年十

三帝每戲曰老翁可愧先是皇后有身出就其父

但馬守平生昌家生皇子敦康時上未有子大喜

欲見之憚道長不果闕中宮歸寧召入后及敦康

既而后又有身生皇女數日崩后出寒微恭謙有

恩中外哀惜后侍女有清少納言中宮侍女有紫

式部和泉式部並有才名少納言清原元輔女和

泉式部大江雅致女多淫行紫式部越前守藤原

為時女嫁右衛門佐藤原宜行生一女而寡著文

自娛中宮好文詞召為師道長悅其才色欲私之

式部拒不從。

三年辛丑秋罷藤原道綱右大將以權大納言藤原

日本正記卷之八

實資兼右大將。實資參議齊敏子。為祖父實賴子。養以強敏稱。冬十一月禁內火。帝遷居一條院。東三條太后崩。太后兼家女。其兄弟相繼為關白。朝政多取決焉。崩年四十。是歲復藤原伊周官。進從一位。

四年壬寅夏。敕造宮。制度務從儉朴。明年冬宮成。

五年癸卯冬。宮成。還御。

寬弘元年甲辰冬。罷太宰權帥平惟仲。以宇佐祠官訴之也。

二年乙丑春。大藏省火。盜殺大藏大輔平孝信。冬。

禁內火。神鏡大刀。契焚帝遷東三條第。尋遷一條院。遣使奉御筆。宣命伊勢大廣。是歲以藤原伊周

班大臣下納言上。參預朝政。

三年丙春。造宮。是歲大和守源賴親。糺興福寺僧

不法。僧徒二千餘人。入京訴之。左大臣道長慰諭遣還。

五年戊申春。以藤原伊周准大臣。賜封千戶敘。正二

位。二月法皇崩。葬萃山天皇。秋九月。中

日本正記卷之八

日本政記卷之八

官生皇子敦成于上東門第。帝臨幸飲宴。召道長家人授位。有差。伊周謂敦康親王必為太子。及敦成生。不懌。有流言其咒詛。道長寃治黨。與停伊周朝參。既而得釋。

六年。配秋七月。中務卿具平親王薨。具平村上帝子受業於慶滋。保胤有文名。而性恬退。世與兼明並稱。曰前後中書。嘗和御製詩。有忽戴君王還自耻。風聲猶減漢東平之句。冬十月。一條院火。徙御左大臣道長枇杷第。

七年。庚春。准大臣伊周薨。臨終。自以不遂志。嗚咽而逝。冬十一月。一條院成還御。

八年。辛亥。夏五月。天皇不豫。六月。讓位皇太子居貞。立皇子敦成為新帝。儲貳尋崩。初。帝意欲立長子敦康。而皇后既崩。伊周亦薨。弟隆家資望猶淺。帝以其無援。又憚道長。密謀於中。納言藤原行成。行成亦懼道長。勸立敦成。中宮養敦康。善視之。勸其父立之。曰。我子尚幼。事未晚也。道長不可遂立。敦成帝崩。帝性慈仁。嘗效延喜帝寒夜脫御衣。以黻

日本政記卷之八

十一

日本政記卷之四

民苦。藤原齋信嘗欲有汲引。聞上語曰：凡事須反淳素。不能請而止。道長日獻珍羞。聞之不敢復進。帝在位最久。才人輩出。嘗言朕得人一事。庶不愧延喜天曆。心疾道長專權。而力不能制也。秋七月葬一條天皇。

史稱一條帝心惡藤原道長所為。而不能制也。蓋以藤原氏之累葉權戚。雖英明之君。有不能奈何者矣。况帝乎。而欲以制道長難矣。曰：然則是終不可奈何乎。賴襄曰：可。帝嘗從容謂侍臣

曰：凡事須反淳素。藤原齋信欲有所汲引。聞帝言不能請而止。道長獻珍羞。聞之不敢復進。嗚呼。是可為之機也。人主據可為之位。挾可為之資。雖為權門所鉗制。處無奈何之時。而非無可回復之機也。其機不在於彼。而在於我。譬若沈痼廢疾。其來非一日。扼其要害。而不可除。欲以攻擊克之。非共齧不可。姑舍之。扶其元氣以勝之。元氣昂則疾勢伏。其機然也。人主試原其始思之。彼其所以能專其權。以制我者。何哉。我始

日本政記卷之四

十一

日本政記卷之八

借之權也我家每娶其女也彼以我之舅氏以
擅我政也是藉我以為重者也藉我以為重者
亦藉我以為輕故曰其機在於我苟正吾度為
我所可為者則彼將畏服而不敢蔑視我曰是
亦如君也君如君則臣庶幾將如臣也其初之
所以敢不如臣者由於君不如君也帝一言如
君則足以讐服道長其機如此惜乎不知養此
機以遂克之也苟養此機以逐克之則收復朝
權不必待後三條也夫欲養此機必當有以輔
之如元氣之須參著如藤原實資乃帝之參著
也舍此而不用欲用后兄之伊周以制之是欲
養癰疽以驅瘰飲也

日本政記卷之八

冊

日本正言卷之八

十三

Blank columns with faint bleed-through text from the reverse side.

三條天皇

諱居貞冷泉第二子母贈皇太后藤原氏攝政兼家女在位五年改

元一曰長和禪位皇太子明年崩壽四十二火葬藏骨於北山

冬十月天皇即位于大極殿年三十六左大臣道

長知太政官文書如故太上天皇崩冷泉十一月

葬冷泉天皇

長和元年壬春立女御妍子為中宮左大臣道長

女上東門院妹也稱枇杷中宮道長積倫袞奩十

年許奢華過其姉夏贈故大納言藤原濟時太

政大臣立女御娥子為皇后后濟時女也上初欲

日本正言卷之八

十三

立之而憚道長。道長陽贊成之。及册拜。朝臣恐補其官職。忤道長旨。悉往中宮。上遣使召之。無應者。甚至罵辱。敕使投以瓦礫。上大恚。獨右大將實資曰。吾豈阿權臣而忽王事哉。乃與中納言隆家等數輩入朝。預嘉會。上因是竊倚賴實資。是歲侍從大江匡衡卒。匡衡左京大夫重光子。受業祖父維時。以文學著。然沈滯終身子。舉周養子時棟。並業繼其妻。稱赤染衛門。爲左大臣。道長妻侍女。嘗著書敘藤原氏盛事。曰榮華物語。

三年。癸丑冬十二月。上患目疾。使僧禱之。

三年。甲寅禁內火。三月內藏掃部二寮火。累代寶器

多焚。復四月。上徙御枇杷第。五月。定造宮諸

司。課諸國守。督作以明年三月爲期。

四年。卯大疫。九月宮成。還御。進造宮諸司位。

十月。詔道長行京官。除曰於直廬儀。准攝政。道長欲太子早登位。數諷上遜位。上眼疾增劇。不能視朝。乃有此命。罷內大臣公季左大將。以大納言藤原賴通代之。賴通道長子。帝謂左右曰。吾委除曰。

於道長道長所為不公自取宜譴朕不與焉十一月禁內火復徙枇杷第曰疾不愈道長使醫官以寒水進金液丹遂喪明

五年丙辰春正月天皇讓位皇太子立敦明親王為新帝儲貳敦明皇后所生也時道長奏請立敦長帝不聽遂立敦明年二十三長於新帝十四歲敦明不自安帝欲右大將實資為東宮傳實資以衰老不堪辭朝臣擬東宮屬者皆固辭右大臣藤原顯光女為敦明妃乃以顯光為傳

後一條天皇

諱敦成一條第二子母上東門院藤原氏攝政道長女在位二十一年改元四曰寬仁治安萬壽長元崩壽二十九火葬藏骨淨土寺

二月天皇即位于大極殿帝生甫九歲左大臣道長攝政尊先帝曰太上天皇夏四月課諸國造宮冬十月道長罷左大臣

寬仁元年丁卯春三月顯光轉大左臣公季轉右大臣權大納言賴通為內大臣道長罷攝政以賴通代之位班左右大臣上夏四月中納言教通兼左大將教通賴通弟也夏五月太上天皇崩葬

三條天皇。秋八月。廢皇太子敦明立敦良親王。為皇太弟。初大傅顯光以舅故。每事擁護太子。然朝臣憚道長不敢起居。太子及上皇崩。益甚。東宮官屬至。厮役皆不肯供職。太子不能堪。欲託疾逃位。道長又使參議藤原兼隆等怵太子。太子愈懼。召道長子能信。言其情。道長喜。謀之大納言源俊賢。俊賢使速決計。乃急奏帝及上東門院。門院曰。果然。宜立敦康。從先帝遺旨。道長曰。彼無外戚。援不可遂。矯詔廢太子。太子母堀河太后聞之。驚。往

視不及。號泣。道長病之。奏賜號小一條院。置年官受領吏。准上皇封戶仍舊。又納其第五女為妃。以慰之。且掩物議。故妃延子歸家。憂憤薨。妃父顯光哭之一夕。鬚髮盡白。冬十二月。前攝政道長為太政大臣。敘從一位。

二年。戊辰。春。辭太政大臣。復四月。宮成。還御。冬十月。立道長第三女威子為中宮。中宮長於帝九歲。帝尚幼。以中宮匣奩為戲玩。於是道長一家三后。帝與太弟。並為外孫。嘗同集上東門第。道長喜。



作歌自頌以月望無缺自喻以語右大將實資使和之實資辭曰秀歌不和自古然也十二月敦康親王薨年二十一親王夙有令譽爲一條帝所愛憚道長不得爲太子及小一條辭位上東門院欲援立之亦不果門院厚資給之又以其妃爲攝政賴通妻妹得其助家纔得不乏

三年_{己未}復刀伊賊寇壹岐殺守藤原理忠遂犯筑前太宰權帥藤原隆家遣前少鹽大藏種村等逆擊大破之詔進隆家爵以種村爲壹岐守隆家伊周弟以敦康親王不得儲位憤歎欲請外任會帥闕奏請得之有治績是春壹岐對馬有警驛奏請救符救符未至而有此寇隆家發兵諸將以賊船多請益戰艦種村不可奮進捷報朝儀以其私發不宜加賞大納言實資引寬平中對馬守防新羅寇得賞例曰有功不賞何以厲後大納言藤原齋信亦同其議乃與賞復五月左大臣顯光薨冬十二月丙大臣賴通改攝政爲關白四年_{庚申}復痘行帝亦患之因詔免諸國調庸逋負

日本政記卷之八

疾病者遣史撫視。

治安元年辛酉復六月以右大臣藤原公季為太政

大臣賴通為左大臣職如故實資為右大臣教通

為內大臣尋以實資兼皇太弟傅。

三年壬戌秋七月先是道長創法成寺於京極擬興

福寺窳極土木未成而獲病乃課諸國督役速成

帝臨幸落之。

萬壽元年甲子秋幸關白賴通賀陽策觀競馬。

四年丁卯春京師多盜入禁中奪物二月右近衛

府圖書寮火冬十二月前攝政道長薨先是三

條皇后及太子妃前後崩薨皆道長女道長立朝

四十餘年始遭凶事遂哀戚致病帝臨視問所欲

言道長曰臣復何望唯法成寺成董役者未被賞

為憾耳帝即敕加家司等位賜寺封五百戶遂薨

年六十二稱世法成寺攝政又稱御堂關白此時

禁諸國更營宅過制及六位以下版築作垣檜皮

葺屋而道長造營僭禁宮取材木徒役於官

長元元年戊辰秋前上總介平忠常作亂下總攻殺

日本政記卷之八

廿九

安房守遣檢非違使平直方等下官符東海東山
 二道發兵討之是歲太政公季薨開院
 三年庚安房守藤原光業畏忠常奔印鑑奔還以
 平正輔代之秋九月召還平直方敕甲斐守源
 賴信率坂東諸國兵討忠常忠常負山帶湖為固
 賴信襲執之撫降餘衆
 四年辛夏擒入京師忠常途病死斬首以獻敘賴
 信從四位上為上野常陸介賴信以老不堪遠任
 請改守丹波不許

五年壬大旱諸大川皆涸

六年癸盜入禁中及東宮

七年甲自春正月至秋七月雨八月大風洪水

九年丙復天皇崩在位二十一年年二十九五月

葬後一條天皇帝每憚勞民及葬役夫相語曰

二十年間使吾儕息肩今豈不効力

後朱雀天皇諱敦良後一條同母弟在位九年改元三曰長曆長久寬德禪

位皇太子崩壽三十七火葬藏骨於圓教寺

秋七月天皇即位於大極殿年二十八左大臣賴

通關白諸政如故。

長曆元年。丁春。立禎子內親王為中宮。三條帝女。母枇杷皇后。以道長孫女入內。三月。改號皇后。立女御。媛子為中宮。初上在東宮。納道長女嬉子。生皇子親仁。又納禎子。生皇子尊仁。關白賴通無女。可納而媛子其妻妹也。故養為子。納之。秋八月。立皇子親仁親王。為皇太子。

三年。卯春。以圓城寺僧正明尊為叡山坐主。僧徒以其非慈覺徒不受。群聚訴迫。關白賴通第打破其門。令檢非違使驅退之。執首惡下獄。三月。僧徒放火高陽院。捕獲之。復禁內火。秋七月。徙御京極院。秋中宮。媛子崩。冬。納內大臣教通女為女御。

長久元年。申庚復。京師盜賊僧徒帶弓箭。殺入行火。懸賞購捕。秋。大風。八省堂倒。京極院火。徙御內大臣教通二條第。課諸國造宮。

二年。巳辛。冬十二月。宮成還御。
三年。壬春。圖書寮火。冬十二月。禁內火。避大政。



官廳。

四年。癸春正月。行諸節會于官廳。已徙御一條院。
冬十一月。右大臣實資罷右大將。以權大納言
藤原通房代之。通房賴通長子也。十二月。一條
院火。徙御東三條院。

寬德元年。甲復大疫。四月。右大將通房薨。秋
八月。宋商至。但馬遣使存問。使奪其財物。宋商訴。
命悉還與之。筑前人清原守武坐私入宋流佐渡。
冬十二月。上視除目。見大人於屏風上。自是不

豫。

二年。乙春正月。大漸讓位皇太子。以尊仁親王爲
新帝儲貳。以中宮大夫藤原能信爲東宮大夫。時
帝召關白賴通命之。賴通以尊仁非藤原氏出。不
欲立對曰。事未晚也。賴通退。能信近御床奏曰。陛
下欲以第二宮付何僧上曰。朕將置之。東宮何謂
付之僧也。能信曰。苟然早決之。不可過今日。過今
日。恐有他故。帝悟。即日立爲皇太子。能信賴通弟
也。天皇崩于東三條院。二月葬後朱雀天皇。

後冷泉天皇

諱親仁。朱省長子。母贈皇太后藤原氏攝政道長第四女。在位

二十三年改元四日永承天喜康平治曆崩壽四十四火葬藏骨圓教寺

復四月天皇即位于大極殿年二十一左大臣賴

通關白庶政如故以權大納言藤原賴宗兼右大

將賴宗道長第二子也

永承元年戊春正月右大臣藤原實資薨實資剛

直明達不感邪說初攝政道長專權舉朝阿附實

資獨侃然正色屢發忠憤天子倚賴焉上東門院

入內道長乞一時名流作和歌屏風中納言藤原

公任為選首華山法皇亦有御製實資時為大納

言獨拒之曰安有官列上達部而為女御資裝者

邪後一條帝有凶夢或勸講最勝經實資止之曰

陛下唯止已修政邪不能犯也僧明尊自稱夢有

關寺牛自稱迦葉佛往膜拜朝野翕然群請實資

獨不往道長家臣病有憑者妄語實資適往輒懾

伏曰吾懼見此人病乃已

賴襄曰藤原實資可謂大丈夫矣當權臣擅政

舉朝舉附之時雖天子猶伺其喜怒獨實資以

日本正言卷之八

卅三

其同旋特立不阿。至天子倚賴之以爲安。可不謂大丈夫邪。如不肯書上東門院之屏風。激一世不振之士氣。吾讀史至此。未嘗不想見其人。以如此之世。猶有如此人也。又讀至其辭爲皇太子傳。則有異焉。敦明權臣所不欲立。而天子立焉。倚實資以扶植之也。爲實資者。何不慨然以身許之。而以衰老不堪爲辭乎。此時實資以大納言爲右大將。蓋歲七十矣。後五年。乃遷右大臣。兼皇太弟傳。所謂皇太弟。乃權臣所欲立

也。誠使衰老不堪。何以辭於前。而不辭於後。後又二十餘年而沒。蓋九十矣。其矍鑠可知也。則前之辭者。非遁辭邪。觀實資之平素。非怵禍福。喪廉耻。唯官爵是恋。如當時公鄉比也。豈度時勢之不可爲焉。爾邪苟然。何不佯辭其官。高視事外而廡仕。至死乎。抑以己受國恩特厚。不敢退就安。姑與權臣共事。以匡濟其太甚耶。或以吾論實資爲苛也。夫唯實資也。故吾苛論之。當時舉朝之士。皆婦人也。婦人不足貴。有一丈夫

日本正言卷之八

卅三

焉。吾鳥得不貴以其道哉。如源顯基之夏後一條崩後辭官隱居卻醫藥以死。則疾世濁亂。潔身而逃耶審能然。是之謂真大丈夫。

[Faint bleed-through text from the reverse side of the page]

二月。大政官朝所火。秋七月。立女御章子內親

王為中宮。冬十月。宮成還御

二年。秋。教通為右大臣。賴家為內大臣。是歲前

權中納言顯基薨。顯基大納言俊賢長子。仕後一

條帝受恩遇。及帝崩。不欲復立朝。削髮隱大原。患

疽。喜曰。病至死。心不亂者。唯癰疽。卻醫藥而逃

三年。冬。禁內火。徙御京極。

四年。復六月。皇后皇太弟所居閑院火。

五年。流大和守源賴親于土佐。賴房于隱岐。

日本正言卷之八
州五

先是賴親訴興福寺僧徒不法僧徒怒攻其館賴親父子防戰多殺傷僧徒來訴故此命

六年辛卯春正月小一條院薨二月立女御藤原

寬子為皇后關白賴通女秋冷泉院成徒御

七年壬辰大疾

天喜元年庚巳秋上患瘡徒御賴通賀陽院弟

二年甲午春賀陽院火還宮秋徙御京極院冬

京極院火徙御賴通四條第

三年乙未復毀冷泉院移造一條院

四年戊申春一條院成徙御秋七月彗星見東方

八月陸奧會長安倍賴時反救陸奧守兼鎮守府

將軍源賴義討之賴時自父祖世為會長至賴時

略有六郡據衣川擅海利不輸貢賦時出兵侵掠

國守不能制朝議以賴義賴信子得東人心乃命

此任會有大赦賴時大喜厚贈賴義賴義任滿將

還有夜斫屬將藤原光貞營者賴時子貞任嘗求

婚光貞光貞鄙之不許故報其怨也賴義欲以貞

任賴時乃閉關復反其二壻藤原經清平永衡在

日本正言卷之八
七六

日本書紀卷之八
一州六

官軍。或言永衡貳。賴義叔斬之。經清不自安。去歸。賴時賴時益振。賴義以討賊自任。不敢歸。五年丁春。賴義招降俘囚。曾安倍富忠。要擊誅賴時。貞任勢猶張。時歲荐饑。九月。賴義奏請輸兵食。久之不至。乞援於出羽守源兼長。亦不敢出兵。經清造私符。徵諸郡兵食。曰。用白符勿用赤符。赤符官符也。國民靡從。賊軍益張。康平元年。戊辰春。中院火。延及諸殿。二年。亥春。一條院火。從御賴通三條策。夏。大雨。

洪水。秋。大風。是歲。盜屢行。火皇宮。

三年。庚秋。關白賴通罷左大臣。教通為左大臣。賴宗為右大臣。權大納言藤原師實為內大臣。師實。賴通子。

四年。辛丑冬。賴通為太政大臣。

五年。壬寅。復罷教通左大將。以師實兼之。秋。賴通

辭太政大臣。關白如故。陸奧守源賴義以出羽。曾清原武則等。討陸奧賊。大破之。斬賊曾安倍貞任。傅首京師。詔叙賴義正四位下。為伊豫守。武則

日本書紀卷之八
七七

從五位下。為鎮守府將軍。先是。以賴義任滿。以藤原良經為陸奧守。以賊未平。辭不往。又以高階經重為守。兵民服賴義。不受其節度。經重乃歸。賴義招致武則。得兵萬餘。進攻賊小松柵。拔之。貞任來戰。武則曰。賊不固守。困而出戰。是我利也。速戰破之。乘勝衝其巢窟。終斃貞任。獲經。清斬之。賴義曰。猶能用白符邪。以餘黨未平。猶留陸奧。七年^{甲辰}春。賴義以諸降虜。至京師。敕放之。伊豫冬罷。賴宗右大將。以權大納言源師房兼之。

治曆元年^{乙丑}春。右大臣賴宗罷。夏。早。先是。賴義請賞陸奧役將士有功者。明議久不決。以故未赴任。公私督責踵至。賴義以私物進濟。又遭旱不登。因上疏請再任。六月。藤原師實為右大臣。源師房為內大臣。師房具平親王長子。知關白賴通妹醜。故娶之。賴通喜。故累遷至此。

三年^{丁未}冬十月。行幸賴通宇治別莊。以賴通准三后。賜年官爵。如忠仁故事。初。賴通捨莊為寺。曰平等院。敕賜封三百戶。已而罷其關白。特敕咨詢政

四年。戊辰夏四月。以左大臣教通關白庶政。賴通意欲讓職其子師實。啓之上東門院院以道長。夙志在教通。遂命之帝崩于賀陽院。五月。葬後冷泉天皇。賴襄曰。昔者元魏之衰。羽林騎焚張粲第。而魏主不問高歡觀之。謂天下之事可知矣。歸散財結士。我長歷天喜之際。有類於此者。延歷寺僧徒抗訴。追關白賴通第。打破其門。已而放火高

陽院。夫賴通之名位。不翅張粲也。而僧徒非羽林之比。天下之事。爲何如哉。後興福寺徒又攻大和守源賴親之館。而朝議流賴親于土佐。不亦甚於不問乎。而陸奧之會。侵蝕六郡。不奉貢賦。源賴義以國守計征勦之。借出羽魯之力。纔能平之。朝廷遣代人。而兵民服賴義。不奉其號令。賴義以獨力經紀二國十餘年。及奏捷爲將士請賞格。朝議久不決。其後賴義子義家再平陸奧之亂。而朝議以爲私鬪。又不與賞典。非源

氏父子以私恩撫緝之。則東國豪傑。寧能帖然哉。高歡自以其意結納之而已。我朝則驅而歸之其手。我朝紀綱之廢甚於元魏。而源氏父子智勇固過於高歡。異日源氏坐奪朝權者。決於此矣。期廷公卿。方以聲色歌詠為事。而血戈汗馬之勞。委之邊鄙之吏。又不肯償其勞。而欲偃然長託於其上。是天道所不與也。大凡治安之久。上者亢而不下。下者滯而不上。上下之間。痞痛不通。而天下覆矣。下者反制其上。上者反制

於下。必然之勢也。當是之時。英偉俊傑之士。多生於下。而上者皆猥瑣頑鈍無耻之人。是之謂氣運之變。故其勢不得不反覆也。噫。可不惧哉。

廣德下邪

田田田田

日本正言卷之八

三十一



余雖不敏而亦嘗聞此語矣
夫不為欲之善而欲之之知者其心亦不為



